



3 Nephi 17–19

(28 NŌ TETEPA–11 NŌ 'ĀTOPA)

Irotō i te tau tāvinira'a a Iesu Mesia i te 'āti Nephi, 'ua fa'a'ite 'oia i te here rahi 'e i tōna mana fa'aora i te feiā ato'a tei haere mai iāna ra. E aha tā tātou e nehenehe e ha'api'i mai i roto i te mau mea i fāri'ihia e te 'āti Nephi i pīha'i iho i te Faaora ?



'ĀPARAURA'A

- 'Āhani ē, tei rotopū 'outou i te 'āti Nephi, e aha tā 'outou e ani i te Fa'aora 'ia fa'aora ? E aha ta 'outou e parau atu iāna ?
- Nāhea e nehenehe ai ia 'outou, mai te ati Nephi, 'ia haere mai i te Mesia 'e 'ia 'ite i tōna here 'e tōna mana fa'aora i roto i tō 'outou orara'a ?
- I nafea tō 'outou 'itera'a i te here o te Fa'aora ? E mea nāhea tō 'outou 'itera'a i te reira here ?


Nāhea e nehenehe ai ia tātou 'ia 'ite i te mana fa'aora o te mesia ?

Te mau tāmatarā'a o te 'āti Nephi

'Ua riro te rahira'a matahiti hou te taera'a mai o Iesu 'ei mau matahiti arepurepu.

'Ua fa'a'oroma'i te mau 'āti Nephi :

- | | | | | | |
|---|---|---------------------------------|--|---|--|
| • Hāmani-'ino-ra'a pae fa'aro'o (a hi'o 3 Nephi 1:9). | • Te parau-'ino 'e te parau faufau (a hi'o 3 Nephi 2:3, 7:7). | • Tama'i (a hi'o 3 Nephi 2:17). | • Te fa'a'inora'a i te pupu ta'ata (a hi'o 3 Nephi 6:10–14). | • Te 'arepurepu-ra'a tīvira (a hi'o 3 Nephi 7:1–4). | • Te mau 'ati nātura e toru mahana pouri (hi'o 3 Nephi 8). |
|---|---|---------------------------------|--|---|--|



Te tāvinira'a a te Mesia i te 'āti Nephi

I tō te Fatu fāra'a mai i te 'āti Nephi, 'ua ani 'oia i te feiā ato'a tei « ro'ohia i te tahi huru ma'i » (3 Nephi 17:7) 'ia haere mai i mua 'e 'ia fa'aorahia. E 'ere tāna anira'a nō te mau fifi ana'e tei fāri'i-noa-hia a'e nei e te 'āti Nephi. E au rā te reira nō te mau pēpē 'ite-hia 'e te 'ite-'ore-hia tā te 'āti Nephi i amo i te roara'a o tō rātou orara'a. 'Ua fa'aora o Iesu Mesia i te « mau ta'ata ato'a » (3 Nephi 17:9) 'e 'ua tāvini « tāta'ihō'ē » ia rātou (3 Nephi 17:21).